

Mila e la grana guèrra

Qu'entenèvam enqüera los bombardements deu camp enemic, puish dens un chebit qu'audin:

- *mamà qu'èi paur.*

Mamà que responó suu pic:

- *ne te'n hàcias que va s'arrestar.*

Totun, la votz de mamà n'èra pas pro rasseguranta entà Enzo e los bombardements que contunhavan.

Còp sèc, ua frinèsta que's copè e que s'i entenó cliquetadas de bòtas alemandas...

Qu'èram embarrassats dens la cava, ne sabèvan pas mei que har.

Tot sobte la pòrta que comencè a mautar.

Dus soldats qu'ensajavan d'enfoncar-la.

- *qu'èi ua idea! Ce digó Paul.*

- *que cau arribar dinc au bujau entà sortir!*

- Qu'anèm dinc au bujau. Que hasoi l'escaleta a Enzo e Paul, James que'm hiquè sus las soas espatlas e mamà que l'ajudè a sortir.

Jo, que soi Mila, qu'èi 11ans. Qu'èi dus hrairets, Enzo e Paul, que son miejons. James, eth , qu'a 17 ans . Dab la mea familha qu'èm perguts dens la violença de la guèrra .

Còp sec, la pòrta que's copè dens un gran fracatge . La votz de mamà que's hasó mei engüeshada mes que demorava fèrme . Que l'entenom a cridar:

- *anem partitz viste !!!*

Un alemand qu'entrè.

Que vedom ua eslama invadir la cava.

En véder cremar mamà Paul que s'esbaní.

Que prengom la huejuda capvath los camps, dab Paul sus la rea.

Qu'anèm dinc a ua escuderia on encontrèm ua dauna hèra charmanta .Que'ns voló plan arcuelher ua nueit e l'endoman que'ns prestè dus chivaus . Que partim de cap tà un aute endret . D'escòps, dus alemands a pè que surgín d'enlòc e que'ns demandèn .

- *papèrs!*

Que s'escapèm a hum mes malurosament que passèm dens un ancian camps de minas. Ua mina qu'explosè devath d'un chivau .

James qu'èra cubèrt de sang. Los miejons que cridèn, en véder l'afrós spectacle.

Urosament, dus òmis que'ns mièn tà l'espitau.

James qu'estò installat a costat d'ua dauna brutlada.

La dauna que virè lo cap e que cridè:

-James qu'ei tu ?

Enzo, Paul, James e jo que l'espièm e que digom en còr :

MAMÀ!!!